

## MSM ISYTIHAR DIVIDEN 3 SEN SESAHAM UNTUK TK2021

**KUALA LUMPUR, 10 Mac 2022** – MSM Malaysia Holdings Berhad telah mengisytiharkan dividen akhir sebanyak 3 sen sesaham bagi tahun kewangan berakhir 31 Disember 2021 (TK2021) yang diterjemahkan kepada jumlah pembayaran dividen sebanyak RM21,089,400 akan dibayar pada 7 April 2022 dengan lepas tarikh (*ex-date*) 28 Mac 2022.

Keputusan Lembaga untuk pembayaran dividen dibuat selepas mengambil kira tahap tunai, penggearing, pulangan atas ekuiti dan pendapatan tertahan, jangkaan prestasi kewangan dan faktor lain yang berkaitan.

Ketua Pegawai Eksekutif Kumpulan MSM, Syed Feizal Syed Mohammad berkata, “Pembayaran dividen akhir sebanyak 3 sen sesaham disokong dengan penambahbaikan dalam Kunci Kira-kira Kumpulan pada TK2021 dan ramalan untuk TK2022. Baki tunai Kumpulan pada 31 Disember 2021 dicatatkan berjumlah RM194.78 juta dan dengan nisbah penggearing yang lebih baik berbanding jumlah pinjaman pada 0.26 kali daripada 0.33 kali pada TK2020.”

“Pihak Pengurusan maklum keperluan untuk memenuhi jangkaan dividen daripada para pemegang saham dan pelabur. Ia juga tepat pada masanya untuk mengagihkan keuntungan sebagai ganjaran kepada pemegang saham selepas tahun pemulihan 2021 dan selepas empat tahun berturut-turut tiada dividen diisytiharkan sejak 2017,” tambah Syed Feizal.

Mengikut keputusan yang belum diaudit untuk TK2021, Kumpulan mencatatkan Keuntungan Selepas Cukai (PAT) sebanyak RM125.35 juta (daripada Kerugian Selepas Cukai (LAT) RM71.23 juta pada TK2020) yang meningkatkan Perolehan Tertahan Kumpulan kepada RM302.23 juta setakat 31 Disember 2021. Kumpulan juga mencatatkan pendapatan yang lebih tinggi sebanyak RM2.26 bilion untuk 12 bulan TK2021 berbanding RM2.18 bilion pada tahun kewangan lepas. Dari segi operasi, kos pengeluaran Kumpulan meningkat pada TK2021 didorong oleh peningkatan 18% dalam NY11, peningkatan 69% dalam kos pengangkutan dan faktor penggunaan (UF) yang lebih rendah disebabkan oleh penutupan sementara di MSM Johor untuk kerja-kerja pembaikan dandang dan MSM Prai untuk kerja sanitasi akibat COVID-19 seperti yang diarahkan oleh Kementerian Kesihatan. Peningkatan dalam NY11 telah diatasi oleh pertukaran asing yang lebih rendah sebanyak 2%.



MSM kekal optimis dengan berhati-hati dalam perjalanan pemulihannya dan keupayaan untuk mencapai pertumbuhan yang mampan di tengah-tengah trend peningkatan elemen kos pengeluaran utama. Di peringkat domestik, perkembangan positif mengenai peralihan Malaysia ke fasa endemik Covid-19 telah memberikan dorongan kuat untuk pemulihan ekonomi yang lebih besar dan aktiviti sosial-ekonomi yang membawa kepada lebih banyak penggunaan produk termasuk gula. Di pasaran eksport TK2022 memberikan peluang yang baik untuk mengembangkan lagi bahagian pasaran MSM daripada 8% pada 2021 kepada kira-kira 12% pada tahun ini di rantau Asia Pasifik yang mempunyai permintaan yang kukuh dan semakin meningkat. Pertumbuhan dalam segmen eksport dan industri akan memberi manfaat kepada Kumpulan mengurangkan risiko dalam NY11 dan forex.

**-TAMAT-**

#### **Maklumat MSM Malaysia Holdings Berhad (MSM)**

MSM Malaysia Holdings Berhad (MSM) adalah pengeluar gula bertapis terkemuka di Malaysia yang terlibat dalam pengeluaran, pemasaran dan penjualan produk gula bertapis di bawah jenama. Syarikat ini menjalankan perniagaan terutamanya melalui dua anak syarikatnya, MSM Prai Berhad dan MSM Sugar Refinery (Johor) Sdn Bhd. Di samping itu, MSM juga mengendalikan syarikat logistik - MSM Logistics Sdn Bhd. Pada masa ini, kapasiti pengeluaran tahunan MSM mencecah 2.05 juta tan gula bertapis. Pada tahun 2020, MSM mengeluarkan sebanyak 1,010,215 tan gula bertapis, di mana 270,628 tan adalah untuk pasaran eksport. Ketika ini, MSM menguasai 60% majoriti syer pasaran domestik. Ditubuhkan pada 10 Mac 2011, MSM disenaraikan di Pasaran Utama Bursa Malaysia Securities Berhad pada 28 Jun 2011 dengan modal pasaran sebanyak RM 401 million setakat 31 Disember 2020. MSM menggabungkan kejayaan ekonomi bersama perlindungan alam sekitar dan tanggungjawab sosial untuk masa depan yang mampan. MSM juga menawarkan pelbagai rangkaian produk daripada gula bertapis putih pelbagai saiz sehinggalah ke gula perang halus. Kesemua produk ini telah dipasarkan dan dijual di dalam pelbagai bentuk pilihan pembungkusan di bawah jenama "Gula Prai". MSM juga turut menjual 'molasses' sejenis produk sampingan yang dihasilkan menerusi proses penapisan gula hingga ke produk penyulingan dan penghasilan etanol, makanan haiwan dan yis di kalangan lain-lain produknya. MSM menjual ke seluruh rangkaian pengguna di Malaysia dan juga negara-negara lain secara langsung dan tidak langsung menerusi pedagang, pemborong dan pengedarnya. Para pelanggan termasuklah syarikat-syarikat besar yang terlibat di dalam industri makanan dan minuman, farmaseutikal, perhotelan, restoran, rangkaian kedai-kedai makanan serta pengguna isirumah.

Untuk maklumat lanjut, sila layari [www.msmsugar.com](http://www.msmsugar.com)

#### **Pernyataan Berpandangan Ke Hadapan**

Beberapa pernyataan dalam laporan ini mengenai operasi MSM adalah berbentuk pernyataan yang berpandangan ke hadapan. Pernyataan ini boleh dikenal pasti dengan kata-kata kunci seperti "percaya", "menganggarkan", "mengharapkan", "menjangka", "berhasrat", "mungkin", "akan", "merancang", "prospek" dan perkataan lain yang mempunyai maksud yang berkaitan dengan perbincangan mengenai prestasi operasi atau kewangan masa hadapan. Pernyataan ini berkaitan dengan rancangan, objektif, matlamat, strategi, operasi dan prestasi masa hadapan MSM. Keputusan dan hasil sebenarnya mungkin berbeza daripada yang diunjurkan dalam mana-mana pernyataan yang berpandangan ke hadapan disebabkan oleh pelbagai peristiwa, risiko, ketidakpastian dan faktor lain yang terlibat. Kami tidak berhasrat atau tidak menanggung apa-apa obligasi untuk mengemas kini atau meminda mana-mana pernyataan yang berpandangan ke hadapan, sama ada disebabkan oleh maklumat baharu, peristiwa masa hadapan atau sebaliknya.

#### **Untuk pertanyaan media sila hubungi:**

**Siti Noorbaya Mohd Yunus**  
+603 2181 5018 ext. 158  
+6016 677 6118  
[noorbaya.my@msmsugar.com](mailto:noorbaya.my@msmsugar.com)

**Syahidah Ismail**  
+603 2181 5018 ext. 154  
+6019 225 9705  
[syahidah.i@msmsugar.com](mailto:syahidah.i@msmsugar.com)